

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KTD 0055939 24
Zenica, 24.03.2026. godine

OPĆINSKOM SUDU U ZENICI
-Sudiji za prethodni postupak-
Z E N I C A

Na osnovu člana 45. stav 1. i 2. tačka. i) i člana 241. stav 1. Zakona o krivičnom postupku Federacije Bosne i Hercegovine, p o d i ž e m o

O P T U Ž N I C U

PROTIV: Z. B., ...,

što je,

1.dana 25.10.2023. godine oko 15,25 sati, u Zenici, u ulici ..., u blizini ..., zajednički i dogovoreno sa maloljetnikom ..., s ciljem pribavljanja protupravne imovinske koristi, prišli mldb. ... (rođen ... godine) i mldb. ... (rođen ... godine), koji su se nalazili ispred dječjeg igrališta sa petogodišnjim bratom i trogodišnjom sestrom, pa je prijetećim tonom upitao mldb. ... riječima: „Kakav je to lančić oko tvog vrata“ i odmah upotrebom sile pokušao mldb. ... otrgnuti sa vrata srebrnu ogrlicu, na način da je jednom rukom uhvatio za ogrlicu, a drugom rukom zaprijetio mldb. ... riječima: „Hoćeš da ti ja sad otrgnem ovaj lančić sa vrata“, približivši šaku njegovom licu, što je mldb. ... uplašilo, pa je istog molio da ga pusti i pokušao da se otrgne iz njegovih ruku, u kom momentu mu je zadao udarac zatvorenom šakom u predjelu leđa, za koje vrijeme je maloljetnik ... nogom udario mldb. ... u predjelu lijeve strane vrata i lijevog ramena, iako su bili svjesni da prijetnjom na nečiji život i tijelo uz upotrebu sile i prijetnje oduzimaju tuđu pokretninu čime mogu nanijeti štetu drugom, što su i htjeli, nakon čega su mldb. ... i ... zajedno sa bratom i sestrom potrčali u pravcu ulice ..., te su trčali za njima u namjeri da upotrebom sile otuđe tuđu pokretnu stvar, ali kada su oštećeni došli u blizinu restorana „...“, udaljili su se u pravcu ulice ... ne otuđivši ništa,

dakle, upotrebom sile i prijetnje pokušali drugome oduzeti tuđu pokretninu s ciljem da njenim prisvajanjem sebi pribave protupravnu imovinsku korist,

2.dana 25.10.2023. godine oko 16,15 sati u blizini džamije „...“ s ciljem pribavljanja protupravne imovinske koristi, upotrebom sile i prijetnje, zajednički i dogovoreno sa maloljetnikom ..., prišli mldb. ... (rođen ... godine) i mldb. ... (rođen ... godine), te im zaprijetili da će ih „izudarati“ i obratili se riječima: „Dajte nam iz džepova sav novac i cigarete“, svjesni da prijetnjom na nečiji život i tijelo uz upotrebu sile i prijetnje oduzimaju tuđu pokretninu čime mogu nanijeti štetu drugom, što su i htjeli, nakon čega su se oštećeni mldb. ... i ... u strahu odmah dali u bijeg u pravcu zapadne strane stadiona „...“, pa su trčali za njima, u namjeri da

upotrebom sile otuđe tuđu pokretnu stvar i sustigli ih, kada je maloljetnik ... zadao dva udarca zatvorenom šakom mlđb. ... u predjelu desne ruke i prsa, nakon čega oštećeni u strahu nastavljaju da bježe u pravcu pekare „...“, gdje su se uspjeli sakriti, pa su više puta ulazili u pekaru i prijetili im da će ih prebiti ukoliko ne izađu iz objekta, pa tek kada su o događaju obaviješteni policijski službenici, pobjegli su u pravcu ulice ... i ... ne otudivši ništa, gdje su pronađeni i lišeni slobode od strane policijskih službenika PS Centar,

dakle, upotrebom sile i prijetnje pokušali oduzeti tuđu pokretninu s ciljem da njenim prisvajanjem sebi pribave protupravnu imovinsku korist,

čime je počinio produženo krivično djelo Razbojništvo iz člana 289. stav 1., u vezi sa članom 28. i članom 55. i 31. KZ F BiH.